

Шахсга сизиниш балоси инсоният тарихида абадий мухрланиб қоладиган қора доғ бўлди. Қўркув салтанати соғлом кишини ногирон, осойишта одамни безовта, булбулигўёни гунг қилган эди. 30-йилларнинг мудхиш фожиалари “бахтли совет халқи”га узок йиллар мутлақо ошқор этилмади. Фақат мустақиллик замонида келиб, Ўзбекистон осмонидаги бахайбат қора булутлар кетгандан сўнгина ўша машъум ходисалар хусусида юрак ютиб гапириш, ёзиш имкони тугилди. Хужжатгоҳлар тилга кирди.

Шуни ҳам таъқидлаш жоизки, “миллатлар турмаси” саналган собиқ иттифок ҳудудидан ташқарида, гарчи жисми тутқунликда бўлса-да, руҳи нисбатан эркин кишилар ўзлари гувоҳ бўлган ўша воқеалар тўғрисида баъзи хотираларни ҳам ёзган эди.

Иккинчи жаҳон уруши вақтида “Миллий адабиёт” журнали билан ҳамкорлик қилган Абдулла Матёкубов исмли ижодкорнинг ҳукмингизга тақдим қилинаётган “Сўнгни кеча” воқеий ҳикояси ўша қоралама — хотиралардан биридир.

Уруш йиллари Берлинда нашр этилган “Миллий адабиёт” мажмуасида М.Р., Равшан, А.М. каби имзолар билан қатнашган Абдулла Матёкубов “Сўнгни кеча”да устози Абдулхамид Мажидийнинг НКВД ходимлари томонидан қандай олиб кетилганлиги хусусида сўзлайди.

Абдулхамид Мажидий (1902—1939) 20-йиллари Самарқанд адабий-илмий муҳитида фаол қатнашган. Шу муҳитда тарбия топган Мажидий “Абутанбал” таҳаллуси билан ҳам бир қатор ҳажвий асарлар ёзган. У 30-йиллари Хоразмдаги округ давлат театри ташкил топишида ўзининг улкан ҳиссасини қўшади. Айни чоғда, Хоразм ёш ижодкорлари билан ишлайди. Фикримизча, Абдулла Матёкубов Абдулхамид Мажидий билан ана шу йиллари танишган, унга шогирд тушган.

Гарчанд янги ҳукуматга, кизиллар матбуоти ва маданиятига юрак-юракдан хизмат қилган бўлса-да, қаттол жамият Мажидийнинг бу хизматларини инобатга олмади. “Айбдор”лар, “гуноҳкор”лар қаторида қатл этишга қўрсатма беради. Гуноҳсиз бир инсон шу зайлда сиёсат қурбони бўлди. 30-йиллар охиридаги ана шу мудхиш қатагон-қиргин авжига чиққан давр манзараси ушбу воқеий ҳикояда ўзининг ҳаққоний ифодасини топган.

Баходир Карим

17 январ кечаси мен беш яшар қизим билан уйда ёлғиз қолдим. Дилбарнинг опаси хизматчи хотин билан бирга от ўйинига кетган эди.

У ўта шўх эди. Бўйнимга миниб олганини сезмай қолар эдим мен. У бўйнимга миниб олгандан сўнг ингичка қўллари билан сочларимдан ушлаб, “туя-туя” қилар, унинг айтганини қилмай, тушириб қўйсам, ҳеч бир сўзлашмасдан бир бурчакка бориб йиглар

эди. Мен унинг ёнига бориб ахвол сўрасам, юпатмокка тиришсам, ўзича сира англаб бўлмайтурган бир товуш билан сўзланар эди.

— Кизим, нима деяпсан, тушунтириб сўйла! — дер эдим мен.

— Нигорнинг дадаси яхши, хар кун, хар кун “туя-туя” килади! — дер эди у.

— Нигор дадасининг айтганини килади, аклли киз. Сен хам менинг айтганимни килсанг “туя-туя” киламан. Кани айт, киласанми, айт! — дедим.

Дилбарнинг юзида қувонч пайдо бўлди:

— Киламан, дада, айтинг! — деганича бўйнимга осилиб, мени кайта-кайта ўпти (суйди). Мен уни кўтариб олиб, ичкари уйга киритдим. Патифонни кўйиб “ўйна” дедим. У хам “Хўп, дада!” деб ўйинга тушди.

У жуда хам келиштириб, баъзан кизикчилик килиб, бошини тебратиб, кошларини чимириб, мени кулдира-кулдира бирдан кулай фурсат топиб, худди чаккон маймун болаларидек бўйнимга миниб олиб, “туя-туя” деганича оёқлари билан тепсиниб, “хайт-хайт” дер эди. Мен бўлсам, уй ичида туядек лўкиллаб, у ёк-бу ёкка чопар эдим.

Шу пайт эшикдан кимдир келиб колди. Дарров елкамдан Дилбарни тушириб, ташки уйга чикдим. Карасам, Абдулхамид Мажидийнинг хизматчиси экан. У мени кўриши билан бир хатни бериб, жавоб ёзиб беришимни русчалаб сўради. Мен хатни ўкиб бўлиб, хатга бошка бир когоз оркали жавоб бериб жўнатдим.

Бу вақт кечки соат ўн бир ярим эди. Хатда Мажидий мени оилам билан уйига таклиф килган. Келишимни таъкидлаб сўрабди.

— Дада, — деди Дилбар, — каерга борасиз?

— Нигорларникига. Опангга хат ёзиб колдирамиз. Унинг ўзи борар! — дедим. “Мен хам бораман, дада”.

Мен уни кийинтирдим. Ўртогимга хат колдириб, ташкарига чикдик. Иссик уйдан чикиш билан изгирин шамол аралаш аччик совук юзга урилди. Биз югуриб бориб трамвайга миндик.

Биз тунги бир яримгача хангомалашиб ўтирдик. Ичимлик хам хаддан ортик, озгин, чакка суяклари бўртиб чикиб турган, ожизгина Мажидий, бу сафар хеч хам кизармади. Аввалларда икки рюмка ичиш билан тулумдек кизариб, хар хил кизик-кизик хикоя, эртақлар, хикматли сўзлар ва афандилар сўзлаб бера турган киши бугун ковоги солинган, ранги ўчган ва замоннинг бевафолигидан ёнган киёфада эди.

Ўртогим билан Мажидийнинг ўртоғи Шарифахон Хива сомсаси пишириш учун чикиб кетганда Мажидий менга бир сўзни кочирим килиб кўйди:

— Равшан! — деди у, — шу кунларда менда тинчлик йўк. Хавотир ичидаман!

Мен унга дунёнинг кайгулари хақида камрок ўйлашни тавсия килдим. У бўлса, кўл силтаб, менга зарда килгандек бокди:

— Ана! — деди у кўли билан уйнинг тўрида кўгирчок ўйнаб ўтирган Нигор билан Дилбарни кўрсатиб, — улар дунё хақида гам емаса хакли. Чунки улар гўдакчалар. Биз-чи? Ота бўлган кишилармиз, ота бўлган кишилар!

У менинг устозим эди. 1930 йилда уни адабий ишдан четлаштирдилар. Пойтахтдан узок Хоразмга сургун килгандек килиб хайдадилар.

У Хоразмда бир канча вақтларга қадар ишсиз юрди. Кейин кўп кийинчиликлар билан Хоразм вилоят театрини ташкил килиб, унда адабий кисм бошлиги бўлиб ишга тутинди. Ана шу вақтларда мен эндигина газетада ишлай бошлаган, майда-чуйда адабий нарсалар ёзишга киришган эдим. “Абутанбал” ва А.Мажидий деб машхур от чиказган бу ёзувчининг калами Хоразм газеталари бетларида ва театрда машхур бўлиб кетди. Мен

унинг билан танишиб олгандан кейин уни вилоят газетасига ишга жойлаштиришга сабабчи бўлдим. Шундан сўнг у менга то сўнгни кунларгача ўз ёрдамини аямади. Хатто бир канча катта асарларимни унинг ўзи тахрир этиб, камчиликларимни кўрсатиб бериб, асарларимнинг силлик — кучли чикувига сабабчи бўлди. У асарда адабий нуктадан нуксон бўлувини сира кўра билмас, адабий нодонликка карши марҳаматсиз курашар эди. 1926 йилда бўлса керак, унинг “Хандон лолалар” деган шеърлар тўплами босилиб чиккан эди. У бу тўпланда ўзининг миллатчилик карашларини очикча ёзган. Ва шу сабабдан Хоразмга хайдалган!

Мен бу воқеаларни хаёлимдан ўтказиб олдим. Хива сомсаси келтирилди. Тагин ичдик. Сухбат кизиди... Соат иккидан 20 минут ўтганда мен кетиш учун рухсат сўрадим. Абдулхамид рухсат бермади. У шунда бу кун қолиб кетувимизни таклиф этди. Унинг сўзини ўлдиришни мен истамас эдим. Хотинлар ичкариги уйда, биз бўлсак ташкариги уйда ётдик.

Энди ширин уйкуга кетганимизда, эшик кокилиб колди. Карасак, битта милисия ва НКВД ходими келиб турибди. Мажидий аввало бироз оқаринди. Кейин ўзини босиб ола билди. Мен не киларимни бимаи, хайрон бўлиб турар эдим.

— Сиз ким бўласиз? — деди менга караб НКВД ходими.

Мен дадиллик билан жавоб кайтардим:

— Мен бу кишининг биродариман. Кеча оила аъзоларим билан мехмон бўлиб келган эдим!

— Каерда ишлайсиз? Хужжатларингизни кўрсатинг!

Мен хужжатимни кўрсатдим. Шундан сўнг менинг иштирокимда келган киши уйни тинтувга киришди. Уй шундай тинтилдики, каралмаган не шкаф, не оржа — сандик, не ёстик, не карават таглари колди! Икки соатга чўзилган тинтувдан сўнг битта кўлёмза асар чикди. Бу бир канча шахар театрларида зўр ютук қозонган “Отсиз” номли пиеса эди. Бу кўлёмзанинг бир чеккасига бир неча йил илгари: “Акмал Икромовга! Шу асарни сахналаштирувга (ўйнатувга) кўмак этинг!” деб ёзилган экан. Бу сўз ёзилган чоқда А.Икромов фирка кўмитасининг бош саркотиби бўлган. Бу ёзувчининг “аксилинкилобчилар” билан якин муносабатда, алоқанда бўлганини кўрсатувчи катта (?) хужжат! Иккинчи хужжат топилмади. У А.Мажидийнинг 1919-1921 йилларда Истанбулга бориб чет элда ўқигани хақидаги гувоҳнома эди.

— Сиз камокка олиндингиз! Айбингизни шу ёқда эълон қиламиз. Кўрпача, пул-мул олингиз, зарар қилмас!

Нигор уни олиб чиқаётганда узала ётиб, оёқ чалиб йиглаб, Дилбар бўлса милисияга караб, хўмрайганча турар эди.

Мен устозимнинг кўзига боқдим. У менга боқди. Буни сезиб қолган чекист:

— Хайрлашинглар, балким кайтиб кўришмак насиб бўлмас! — деди. Бу сўзни эшитгандан сўнг Шарифахон билан менинг ўртоғим ҳам, опасига эргашиб қизим Дилбар ҳам йиглаб юборди.

Мажидийнинг ўтли кўзлари чекистга ташланди:

— Эй багритош одам! Не учун илжаясан?! Бу йиги сенга роҳатми багишлайди?

У шу сўзларнигина айта олди. Чекист унга сўзлов учун имкон бермади. Олдига солиб олиб чиқиб кетди. Уй ичи мотамга айланди.

— Нигор, энди бизларникига юр, дадангни милисия олиб кетди. Менинг дадам сени ҳам, мени ҳам “туя-туя” қилади! — деди Дилбар. У бу сўзни Нигорни тиндириш ниятида айтган эди. Аммо у бу билан тинмади.

Бу сўнгги кеча мени устозимдан ажратди. Эртаси китоб магазинига борсам, унинг янгигина босилиб чиққан “Калдиргоч”, “Хангома” деган асарлари сотишдан тўхтатилибди. Босилаётган девони, хажвий хикоялари тўплами ҳам босувдан тўхтатилибди.

Мана, халқ ичиндан чиққан битта ёзувчи нима учун йўқ қилиниб юборилди. Одамни ҳар нарсадан “қиммат” санайтурган Сталин замонинда интеллигентга нисбатан тутилган йўл мана қандай!!!

Берлин. “Миллий адабиёт” журнали 1943 йил, 1-сон.

Абдулла Матёкубов

«Ўзбекистон адабиёти ва санъати» газетасининг 2004 йил 30-сонидан олинди.